

楓巖輯話
三



楓巖輯話卷之三

本朝事實

燕山時尹弼商柳子光李克墩等構成戊

午禍

戊午七月宣城府院君盧思慎坡平府院君尹弼商
武靈府院君柳子光上變惟都承旨慎守勤掌出納
餘皆不得聞檢閱李思恭請見不從王命義禁府經
歷洪士灝都事慎克成馳往慶尚道命別監往中路
察注來遲速飛報既而拿金駟孫至王御修文堂鞠
之盧思慎尹弼商韓致亨柳子光慎守勤注書李希
舜參鞠時駟孫得風疾在咸陽鄉家鞠問史草何以

誣書 先王朝事供曰史記有先時有缺云故追記

世祖朝事德宗貴人權氏事聞于貴人之侄許鑒
云又鞫請復 昭陵事供曰先王立崇義殿封王氏
後欲聖朝行仁政故云爾駙孫為忠清都事時上疏
請復昭陵故並鞫之又鞫後殿曲事供曰昔在西湖
也茂豐副正撝携琴相訪彈後殿曲音甚哀切非治
世之音故並及於史草再三盤問同議史草之人只
供臣既輸情請獨死洪士灝搜駙孫家得李穆書言
史事大槩君之史草在成重淹房重淹言堂上以不
逐日記事不欲載之吾言金季雲一字得無遺脫云

問士顯駟孫在道云何士顯曰駟孫云此必李克墩發史事也克墩為全羅監司時遭成廟喪奸長興妓及貪職事吾書諸史草克墩祈其刪去吾不從故懷怨云云許磐供德宗昭訓尹氏事疑而語諸駟孫駟孫必誤以為權氏也李穆供云云魯山淑儀權氏即權孳族也其奴婢田地權孳盡占不給致淑儀飢困故嘗薄之云先是李克墩見駟孫史草言於總裁官魚世謙世謙不應乃言於柳子光子光大喜即乘夕携酒往盧思慎等家從容酒酣言及光廟受恩之厚仍相與流涕以感動其心遂言及史事共密

論

告成獄魚世謙以不告罷職

戊午燕山傳旨略曰金宗直草茅賤士世祖朝登

第成宗朝擢置經筵以至刑曹判書寵恩傾朝今

其弟子金駟孫所修史草內以不道之言誣錄先

王朝事又載其師吊義帝文其曰祖龍之弄牙角者

祖龍秦始皇也宗直以始皇比世祖其曰永得王

以從民望者王楚懷王孫心也宗直以義帝比

曹山其曰羊狠狼貪擅夷冠軍者宗直以羊狠狼

貪指世祖其曰胡不收而膏齊斧者宗直指魯

山胡不收世祖云云其曰為鹽醋而反噬者宗

直謂 魯山不叔 世廟反為 世廟監醋云云其
曰循紫陽之老筆岑思璫以欽欽者宗直以朱子
自處其心作此賦以擬綱目之筆駉孫賁其文曰以
寓忠憤誣書於史此豈一朝一夕之故陰蓄不臣之
心而歷事三朝予今思之不覺慘怛其議刑名以啓
戊午記事

弘治戊午傳旨略曰奸臣金宗直包藏禍心陰結黨
類欲售凶謀為日久矣假托項籍弑義帝之事形諸
文字詆毀先王需天之惡罪在不赦論以大逆剖棺
斬屍其徒金駉孫權五福權景裕朋結奸黨同聲相

濟補美其文以為忠憤所激書諸史草欲垂不朽其
罪與金宗直同科並令凌遲處死賄孫與李穆許磐
姜譙等誣飾先王所無之事傳相告語筆之於書
李穆許磐姜譙等決杖一百籍沒家產極邊為奴表
沿沫洪瀚鄭汝昌茂豐副正搃等罪犯亂言姜景叙
李守恭鄭希良鄭承祖等知亂言不告並決杖一百
流三千里李宗準崔溥李奄李胄金宏弼朴漢柱任
熙載康伯珍李繼孟姜渾俱以宗直門徒結為朋黨
互相稱譽或譏議國政謗訕時事熙載李胄決杖一
百極邊付處宗準崔溥李奄宏弼漢柱伯珍繼孟姜

渾並決杖八十遠方付處修文官等見駙孫等史草
不卽啓魚世謙李克墩柳洵尹孝孫等並罷職洪貴
達趙益貞安琛等左遷隨其罪之輕重俱以處決謹
將事由告于 宗廟社稷

朝野記聞

戊午史禍佔畢齋為禍首濯纓寒暄曹梅溪崔錦南
俱不免李電在太常議佔畢齋謚文忠坐謫甲子加
罪臨刑神氣不衰語益壯燕山愈怒用加等之律

海

東名臣錄

我東有二大儒皆有重名於斯文而皆有大可疑處
團隱能以死殉國而禍昌之廢殺不能有所樹立至

列於九功臣此一可疑也佔畢齋委質 光廟而吊
義帝之作大犯春秋諱尊之義蓋有是心則不當立
於其朝既立其朝則不當作此文也心事矛盾義分
俱虧此二可疑也未知千載尚論以為如何也 谿谷

漫筆

金駟孫字季雲執義孟之子受業於金宗直能文章
性簡元或云李克墩為全羅監司 成廟之喪不進
香京師而載妓而行駟孫書其事於史草克墩為堂上賓起
改之駟孫不從故鄣之及修實錄克墩為堂上實起
史禍云 戊午錄

李穆嘗在太學時尹弼商以大臣當國穆因天早上
疏曰烹弼商天乃雨弼商遇諸道呼之曰君必欲食
老夫肉耶穆昂然不顧而去燕山初擢壯元科及史
禍起弼商為堂上挾前憾以穆嘗受業於金宗直構
殺之戊午錄

李穆在太學為奸鬼論上疏論之上召問鬼字之
義穆釋鬼字曰所行如此而使人不知曰鬼人服其
能趙舜為正言亦嘗駁盧思慎及戊午禍起尹弼商
盧思慎為相尹以李穆常受業佔畢齋門誣殺之且
謂盧曰舜亦可殺盧曰是何言也終不聽

任熙載

任熙載字敬輿士洪之子世說熙載善書常書祖癖
宗克自太平泰皇何事苦蒼生不知禍起蕭牆內虛
等防胡萬里城一絕于屏上燕山一日粹幸士洪家
見屏問之曰誰所書也士洪對以實燕山有怒色曰
卿子不肖人也士洪即跪對曰此子性行不順果如
上教曾欲啓之而未果燕山遂殺之云或曰熙載常
諫其父故士洪不悅而譖之云

萍湖襍記

柳子光府尹規之孽子也矯捷多力初屬甲士在建
春門上疏自薦世祖壯其為人擢用之又以戊子
告變功受勲封驍取一品階性陰賊害物人有名寵

出已上者必構陷之嫉韓明澮門戶貴盛疏論明澮
有跋扈之志上不之罪後與任士洪朴孝元等欲
擠玄錫圭謀敗流東萊尋放還然但復勲封未嘗授
治事之任子光怏怏不得志見李克墩兄弟當朝秉
權知其足以濟已事便傾身附之嘗遊咸陽郡作詩
屬郡宰縷板而懸諸壁及金宗直守是邑曰何物子
光乃爾懸板耶子光恚恨切齒以宗直寵遇方隆反
自納交其卒也為挽而哭之至此於王通韓愈金駟
孫嘗受業於宗直及為猷納盡言不避權貴又疏論
李克墩與成俊互相傾軋將成牛李之黨克墩大怒

及開史局充墩為堂上見駙孫史草筆已惡悉又書
世祖朝事充墩欲因此以報其怨一日屏人語總
裁官魚世謙曰駙孫誣毀先王臣子見如此事不聞
於上可乎吾意將其史筆以啓聽上處分則於吾屬
無患矣世謙愕然不答乃謀於柳子光子光素怨宗
直攘臂曰此豈遲疑之事乎即往見盧思慎尹弼商
韓致亨先叙受恩世祖不可忘之意以動其心然
後乃言其事蓋思慎弼商世祖寵臣族連宮掖料
其必從已故語之三人者果皆從俱詣差備門呼都
承旨慎守勤耳語良久乃啓之王猜暴不喜學問故

尤惡文士曰要名凌上使我不得自由者皆此輩也
常鬱鬱不樂欲一施快而未敢下手及聞子光等所
啓以為忠於國家獎待特厚命於南賓廳鞠之子光
以獄事自任於座中大言曰今日是朝廷改排之時
須有如此大處置不宜尋常以治之也子光猶憲治
獄漸弛日夜謀所以鍛鍊者一日自袖中出一卷書
乃宗直文集也摘其中吊義帝文與述酒詩遍示諸
推官曰此皆指世祖作駙孫之惡宗直誨而成之
也自為註釋逐句而解之令王易知仍啓曰宗直詆
毀我世祖宜論以大逆不道其為文不宜流傳並

皆燒毀王從之子光欲乘王怒為一網打盡之計目
弼商曰此人之惡凡為人臣子不共戴天之讎當究
問其黨與一切鉏去然後方得清明不爾則餘黨復
起禍亂之作不久矣思慎搖首止之曰武英何至為
此言耶獨不聞黨錮之事乎禁錮日峻使士流無所
容迹而漢隨以亡清論之亡非國家之福武英何言
之謬耶當初吾軍所啓為史事耳今枝葉蔓引不干
於史事者因繫日衆無乃非吾軍本意乎子光不悅
及定罪之日思慎議獨不同子光作色詰之曰各以
其意而啓之王從子光等議是日晝晦雨下如注風

柳子光

從東南起拔木飛瓦城中人庶莫不顛仆股栗子光
意滿氣得揚揚而歸家自是盛行中外朝廷視之如
毒蛇莫敢忤其意儒林喪氣重足累息學舍蕭然數
月間無有讀誦聲

柳子光監司規之賤產也居南原幼時才氣蕩溢規
見一巖石削立峻拔使子光賦之卽筆題之曰根盤
九原勢壓三韓規大異之及長成廟將廢妃尹氏
子光上疏極陳其不可及燕山卽位許赴舉釋褐為
兵曹佐郎屢遷至大官燕山無道成希顏等密議反
正發力士袖鐵錘見子光戒之曰子光妻母為大妃

殿侍女子光聞密議若八見其妻子使鎚殺之不然
卽與共事力士往辟左右說以反正事子光大喜促
備鞍行力士給曰安危生死不可必何不與妻子訣
子光曰大不然大事不可令兒女子知之不入內令
奴子挾大油紙而行與四大臣會議大臣曰分軍之
際不可無傳令牌速剖板造牌子光曰事急未暇剖
板成牌卽將油紙片割着署以分之大臣曰黑夜無
炬速分人一炬子光曰事急未及東炬闕門外司僕
積藁如山一炬燃之則大內洞明其臨機善應如此
云嘗過州縣多題詠館舍佔畢齋金宗直門人多名

士見子光懸板曰何物子光乃敢懸板令下卒斫碎
之子光深啣之佔畢為 魯山作吊義帝文門入金
駟孫註之子光發其事盡殺駟孫等殆盡時佔畢已
死剖棺斬其屍士論憤之子光預知死後已復如之
預求貌類已者為奴畜之及其死綵服以大夫禮葬
之石灰內外棺塚上石物無不畢備及已且死密戒
妻子平土不起墳如有朝家遣人問我墳指亡奴某
甲塚既死妻孥如其言願後朝議以子光罪當剖棺
刑屍金吾發使來問子光冢家人詐指奴憤掘而斬
之顏貌恰似子光衣服皆宰相服斬之不疑平土之

南孝溫

墳終始無患

於于墓譚

南孝溫字伯恭號秋江性慷慨有志節常師清寒子

金時習

放浪物外與世俗不相閤年十八上書成廟

請復

昭陵每憤時事或登母岳慟哭而返危言激

論雖觸諱莫忌也大猷

寒暄

自勗

一蟲

戒止之終不聽二

公講明性理探履以小學為律其所造實與秋江異

然交契相厚所謂芝蘭同臭也

圃樵雜錄

秋江早歲棄科業從悅卿遊一日悅卿謂秋江曰我

則受

英廟厚知為此辛苦生活宜也公則異於我

何不為世道計也耶秋江曰昭陵一事天地大變復

昭陵之後赴舉不晚也悅卿不復強之

萍湖襟記

伯恭又號杏雨才行卓越惡衣食常乘雌馬兒童婦女相隨指笑性嗜酒母責之著止酒賦十年不飲酒病風復飲酒病已復止五年不飲後病篤酒作生涯不仕終於家廢朝以佔畢齋門徒斬大醊以復昭陵疏凌遲伯恭屍范希文曰忠信天所扶何獨不扶兩人耶

萍湖襟記

秋江年三十九而卒墳在高陽燕山命剖棺時啣命者以在禁標內取尸來刑於楊花渡邊置尸于沙上而去南之室及四女壻無一收葬者今不知其所有

悲夫竹欄閑話

南秋江與金佔畢俱登 魯山朝進士 光廟受命

後秋江永棄科業佔畢則發身 光廟朝為其有老

母也時議多短之佔畢前後出處有些少未瑩處蓋

業已委質於 光廟朝則吊義帝文不必作也其時

史官如金駟孫軍至於載錄史冊曰以寓忠憤不知

何所見也潔身長往不說素節惟梅月堂一人而已

鵲城雜說

金時習悅卿乃我朝之伯夷也南孝溫伯恭聞其風
而興起者歟

山中獨言

論

燕山甲子士禍記略

成宗朝燕山母妃既賜死死燕山及卽位心怨之慎
守英者以王后弟寵煒用事造匿名書誹謗朝廷負
罪者怏怏怨望遂有甲子之禍尹弼商韓致亨韓明
澮鄭昌孫魚世謙沈澮李坡金升卿李世佐權柱李
克均成俊坐廢母妃事皆致之極刑致亨弼商克均
坡俊並族其家洪貴達權達手李幼寧卞亨良李守
恭郭宗藩公子深源朴漢柱康伯珍崔溥成重淹朴
闇李奄金宏弼申澄沈順門姜訥金千齡鄭麟仁李
胄趙之瑞鄭誠謹鄭汝昌或以金宗直門徒或以敢

諫皆僂死而其已死者皆僂其屍或親戚皆連死

眉

雙記言

初 成廟廢尹氏

燕山母也

尋賜死燕山以尹弼高韓明

澮鄭昌孫魚世謙沈澮李坡李世佐金承卿權柱李
克均成俊等為二六奸碎骨飄風盡殺其子孫又殺
洪貴達權達手等十有餘人 成廟後宮嚴氏鄭氏

以廢妃之故亂打內庭即滅其跡其子安陽君恂鳳
安君恂島配尋殺之因曰恂恂已絕於其妻令嫁他

人 燕山事跡錄

李右相克均謫仁同燕山遣官賜死官到發書公曰

權達手

山益怒至於碎骨

護聞墳錄

吾有何罪至於是憤氣勃勃既就幽室還出謂官曰
吾年將七十身纏百病死亦何恨但有勞於國無罪
於身汝須以此言還啓否者吾有魂當罰汝及還燕
權達手通之早上第為校理燕山主議尹庶人三廟
事大作威鉗下通之慨然議以非先王意館中不
敢異主怒皆杖流久而怒彌甚王堂臺諫中首其論
者將極法之時追治舊事仇摘倡言者日滋酷例皆
旁推先死發朽壤以苟免獨通之自引伏不為負亡
僚自活計並臺負先發者鉄鑕已具獄吏哀之曰與

柳軒

其兩死寧歸之一而一生之為臺者候承更旨更言
玉堂先於臺通之張目熟視曰某乎某乎爾果效我
而為之乎即奮筆書供曰不肖臣達手敢為之不可
苟隱以偷生供畢顏色不變從容就刑人皆悲之通
之既不幸其末亡人泣血不食死

龍泉談寂記

柳大司諫軒性嚴毅有器局歷敷三司正直不撓燕
山初上萬言疏大觸時諱出補忠清水使至甲子入
為大司諫時后弟慎守英誣成士禍公抗疏論之仍
及任士洪柳子光奸凶之狀且言李克均無罪被僇
之冤燕山大怒亟竄濟州司諫姜叔突爭之亦被竄

配因罷司諫院

竹磳閑話

朱溪君深源字伯淵號醒狂寒暄堂門人在 成廟

朝上疏力辯其姑夫任士洪之姦燕山末士洪諸殺
之正德年 中廟命撰續三綱行實乃列深源於忠

臣中適纂集官有不悅深源者力議去之逮 明廟

朝以經筵官之啓追錄深源之忠刻梓添入蓋深源
之意我為宗室至親當與國同休戚豈私一家之姑
夫乎今讀其疏凜凜有生氣幸遇正論追錄其忠
陽公曰後世無公議至今無聖賢寧不信然

裨官雜

訖

鄭希良

朱溪君深源性方正好讀書以文學著聞當燕山時
公子數諫不用極言嬖倖士洪諤賊用事以大逆誅
族其家二子幼寧幼槃皆死幼寧以才學顯用禍時
為天官正郎公子家既滅死而有遺文七卷傳於鳴
陽正賢孫其受業弟子也及燕山廢而恭僖王立
大釋諸囚公子追爵興祿旋其閭

眉叟記言

鄭虛菴希良易學甚精尤長於數學甲子之禍方居
憂未闋服一夕脫衰經投水而逃俄而拿命至時人
恐投水而死實不然也有一秀才

疑是退溪

讀易山寺老

衲在傍觀其容止非常人往往證正句讀之訛秀才

心疑虛菴因問爾能知易否僧辭謝又言易之為書
深邃難讀僧曰措大讀易能透無欠又曰爾知鄭虛
菴乎僧曰未也曰是鄭某號也曰頗聞其姓名略其
為人曰虛菴遁跡不出可惜僧曰不可出也鄭某守
廬不終禮不孝也逃君命不忠也不孝不忠罪莫大
焉何面目復出人世乎俄而辭出莫知所之

鴛城雜

說

燕山朝鄭新堂

鵬

為弘文校理燕山問于玉堂曰予

欲誅鄭誠謹各言可否諸僚皆集以待新堂而決新
堂後至曰可誅滿座愕然曰雲程

鵬

字有是言歟曰一

人死與吾輩皆死熟愈或人問於松堂朴曰鄭先生
之議可能處愛也以正論言之則似未盡也松堂曰
然

圃樵雜錄

燕山為世子時許文貞琛為弼善趙之瑞為輔德廢
主日事遊戲不留學問之瑞天性勁直每當進講投
冊於前曰邸下不力學至此臣當啓達於殿下廢
主苦之視如仇讎文貞則不然柔辭婉語從容開悟
廢主甚許之一日東宮官曰進講八侍仰見壁間大
書曰趙之瑞大小人也許琛大聖人也聞者以趙為
惧及卽位甲子禍起先誅之瑞沒其家文貞位右相

思齋撫言

燕山事跡記略

燕山賦質荒悖刻酷為尚沉湎酒色昏棄祭祀忿母
見黜怨及成考專事報復杖殺庶母流竄言官盡
收娼妓淫戲無道奸人妻妾瀆亂無忌宗戚所私劫
合相逼三年通喪忍斷其制先王陵寢盡為兔窟
先聖祠宇變作梨園綱常掃地罪惡滔天神人竟忿
蓋由一二奸臣引諭非義前有柳子光後有任士洪
相繼逢迎爭售其姦故也

海東野史

我朝祖宗家法信任大臣雖以燕山淫暴宰相之

言或有聽納一日設內宴宰相亦入酒闌燕山見妓妖艷者身狎之議政成俊進曰老臣不死 殿下決不得如此燕山憚而止之然後之禍未必不萌於此也

圖燕雜錄

甲子以後娼妓有姿色者選入于內始百數終萬計改妓號曰運平八內者曰興清曰結平曰續紅近入者曰地科興清經幸者曰天科興清改掌樂院曰聯芳院又於大小列邑皆設運平以備上送置護花庫以應其供饋置鋪染署以供其奉祭置追惠署以供其喪用置杜蕩護清司以為大行後興清入置之所

使之終身向慕興清保人名之曰護花添春又分遣大臣稱紅駿體察使大搜京外公賤妻妾娼妓等分置各院清平所着粧奩之具皆徵於民民產殆盡

海

東野史

又令士大夫妻入叅內宴者常令其婦書姓名於衣襟有姿色者令綠衣誘以梳粧不整引入幽房留宿禁中者多有之月山大君妻稱為世子養母常留禁內成廟後宮南氏亦見褻昵醜群外播擇宮在殯手射先王馴養之鹿烹煮以啖仁粹王大妃之薨喪禮皆從易月之制先王諱日用樂食肉如

常以鄭誠謹李華為 成廟服喪至加誅戮

又置鷹隼防於後苑八道鷹犬及珍禽奇獸無不窮
搜取來園養先聖先師位板初移太平館復移西學
積置褻處而講堂祀殿寔為興清淫戲之所奪民船
隻曳八慶會樓池面作綵棚於其上一曰萬歲二曰
迎春三曰鎮邦三山高聳窮極壯麗自製一律曰壯
氣仙峰聳碧霄神鰲靈鶴應時稠群英咸宴忠職合
孤鬼幽囚謫腑焦霧閣雲牕龍舸迴雲梯歌管鳳樓
遙是誰留翫勞民力都為朝鮮表壽饒又設秋千之
戲絰夏不撤都城百里立禁標以為遊畋之所常以

單騎率一小宦不計晴雨馳騖往來別設鷹師萬餘
常隨畋獵楮子島濟川亭長湍石壁壯義水閣迎置
亭慶會樓後苑茅慶常常率興清晝夜遊宴稱為小
舉動革廣州楊州高陽陽川等邑盡逐其民以內需
司奴婢居之又禁津渡只由鷺梁行旅甚苦樵採亦
絕昌慶宮後等臺百餘尺名曰瑞葱上可坐萬人大
營宮殿軍兵亦令赴役民間騷動流離失所役重糧
乏餓殍相望崇禮門外鷺梁之間積屍如山燕山自
知其惡恐有言者廢經筵司諫院減持平二貲凡上
疏上言擊鼓等事一皆廢之羅織成罪極刑慘烙不

可勝數

荀子王制篇曰修採清易道路註云採謂抹去其穢
清謂使之清潔皆謂道路穢惡也燕山遣大臣于諸
道盡戮士族處女號曰採清使未返而靖國除其穢
惡異哉

諛聞瑣錄

燕山發怒撲殺嚴鄭二淑儀時 昭惠王后方沉綿
床席遽起危坐言曰此亦父王之後宮也何至是耶
燕山以頭撞后王體后曰凶惡哉遂卧不言

錄

燕山之流喬桐也市井歌曰忠誠詐謀乎舉動喬桐

乎興清運平置之何處乃向荆棘底歸乎燕山朝官
人紗帽皆貼忠誠二字詐謀與紗帽同音也荒蕩飄
忽遊幸無方凡有出入謂之舉動八路郡縣皆設妓
樂選陞梨園名曰運平經幸則謂之興清其安置喬
桐也圍以棘籬荆棘之釋與妻子之釋方言相同底
字之義又就人身下言也蓋出於鄙俚嘲謔之口而
中含譏諷者也

龍泉談寂記

燕山君以疾卒于喬桐侍女等曰燕山臨死無他言
但言欲見慎氏卽其妃也傳曰以厚禮葬之且停朝
市定墓直何如大臣等啓曰禮葬請用王子君例停

朝市定墓直不可為也工曹叅議經筵叅贊官柳宗
祖上䟽略曰曩者前王大失人心幾傾宗社三三大
臣曰天命人心奉王大妃慈旨推戴殿下殿下
迫於臣民之戴不得已正位宸極而敬奉前王之誠
益篤使宰夫監膳幸姬侍從將士扈衛以扞不虞服
御物膳絡繹於道不幸遘疾奄忽昇遐殿下哀傷
痛怛撤膳撤朝欲盡喪葬之禮議于大臣大臣之議
恐未合義臣竊惟君父一體父雖不父子不可以不
子舜祇載見瞽瞍發發齋慄瞽瞍亦允若豈以瞽之
頑而廢我生事葬祭之禮乎太甲敗度繼禮伊尹放

之桐宮冀其悔悟太甲若或未悛而崩則喪葬之禮
當何以處之耶幽厲亂亡雖加惡謚而王號未替前
王得罪宗社固不得祔祀宗祧而人臣為喪葬之
禮宜不若是也葬用陵儀別立廟主訃聞上國情之
至義之盡也上國使臣若問之則不可不預為圖也
文歸以對非事上示下以誠之道也中宗命廣議
之皆以為不可施行柳子光力排其說至請付有司
鞫問其情朴元宗則以為不宜在近侍上命遽經
選官兩司以有妨言路請勿遽爭之不得

東閣雜記

中宗朝丙寅反正記事

丙寅年成希顏朴元宗柳順汀等以燕山荒亂欲廢
立時慎守勤姜龜孫同為相希顏令龜孫探守勤意
燕山妃守勤之妹 中廟潛邸夫人守勤之女也龜
孫一日問於守勤曰妹與女孰親守勤曰病人豈能
久乎世子英明只恃此耳會龜孫以登極使赴京慮
其言泄日夜憂惧未及回還疽發而卒九月初一日
朴元宗柳順汀成希顏等啓 王大妃尹氏 貞顯廢
王封燕山君放于喬桐迎晉城大君 中宗於私邸嗣位
使力士李藻等擊殺守勤並其弟守英守謙及任士

洪等 荷谷野言

知中樞朴元宗前叅判成希顔吏曹判書柳順汀首
建廢立之議協謀決策與司僕正辛允文等定約正
德丙寅九月希顔歷抵武靈府院君柳子光右議政
金壽童論以舉事元宗順汀會于訓練院子光及判
敦寧具壽永德津君濺等亦至武夫健將不期而會
者不知其幾人於是分遣諸將領軍備虞元宗直進
昌德宮洞口結陣於下馬碑前領相柳洵右相金壽
童及諸宰申浚鄭眉壽宋軼李季男姜渾等來會先
遣具壽永德津君濺等詣晉城大君邸具告其由領
軍侍衛又遣僉知尹衡老啓于 大妃遂分遣力士

于左相慎守勤刑判慎守英贊成任士洪家稱命招
引出斬之八直都摠管閔孝曾等亦由水口出赴軍
中關內一空朴元宗等進軍關門外令柳子光李季
甸等因留陣遂率百官馳詣景福宮啓于王大妃
曰今者上失君道政令昏亂生民塗炭宗社綴旒
臣等夙夜憂慮罔知攸濟小大臣僚屬望晉城久矣
今欲推戴以為宗社之計取稟慈旨王大妃
固辭曰侗稚之子豈堪重寄世子年且長矣是可繼
立三公更啓曰羣臣協策已定不可更改乃遣順汀
渾倫儀衛迎中宗于私第中宗牢韉耳三迫於

成希顏

群情遂乘輦入闕順汀等遣承旨韓洵等告燕山曰
人心已屬晉城事勢至此請出大寶燕山曰我罪重
大固知有此願好為之即出大寶於是百官班定布
慈教于中外使迎晉城于私茅命即大位廢前王于
喬桐安先聖先師位板於成均館四學並罷東西禁
標放興清運平妓女革鷹隼坊其他荒亂之政一切
革罷人心胥悅朝野一新

燕山事跡錄

成希顏 成廟朝擢科選入玉堂最承恩寵居父喪
服闋招致慰問仍賜鷹子曰以養汝母燕山嗣位從
幸楊花渡令從臣賦詩希顏詩有聖心元不愛清流

之句燕山怒之以吏曹叅判遠付司勇數年不遷希
顏見燕山遙虐宗社將危慨然有撥亂反正之意顧
無可與計事者朴元宗乃月山大君之婦弟也魁傑
早貴為武士所推希顏欲與之同事而無交分隣有
武人辛允武者與元宗親密希顏使允武微諷之元
宗躍起曰此吾所蓄積也即與希顏定議又以吏曹
判書柳順汀有時望不可不使之知之乃諭其意順
汀從之丙寅九月元宗等結陣於敦化門洞口分遣
力士撲殺縱惠為惡者任士洪慎守勤等乃啓于
王大妃尹氏奉晉城大君即位景福宮廢惱為燕山

君放于喬桐朝市不易肆中外帖然宗社再安希顏之力也

東閣雜記

三大將當初議定大計之後仍曰某某可殺而姜渾之名高出焉蓋以文華被幸驟陞為都承旨自通政至崇政猶不遣以此得罪於清議者久矣舉事日三大將以文城柳洵為舊相召之文城遂馳赴之未三鼓也道逢辟除群問曰誰也下人對曰都承旨也必錯聞更點而詣闕矣公使謂曰吾之所往令公必隨來不然不可說也姜訝之仍踵其後到南小門洞口遠見訓練院人馬駢闐燈燭輝煌猶不知為何事文

城駐馬謂曰今日跟老夫不可造次離也大事至矣

姜始惧甚既下馬緊隨文城而進三大將見文城而

起讓席坐初定平城補元宗瞪目指之曰此何人也文

城曰乃姜渾也老夫帶來矣平城曰前有約必先殺

之今不可留也文城竦蹙無言柳菁川順察文城之

色急謂平城曰目今擾攘之際書記無人姑使掌之

徐殺之猶未晚也平城乃止姜遂擐袖執筆左承右

奉能得其機遂皆稱善竟策功為晉川君自此事文

城如父兄終始不替焉史氏曰執此想其人才華倭

幸可知已寄齋雜記

具壽永

判中樞具壽永以奇技淫巧縱惠導惡無所不至朝
野側目三大將舉事日聞其結陣於光化門外渾家
痛哭罔知所為有一健奴曰人之死生各有其數何
可坐而待死急具酒食我當導令公而去求幸免之
地乃盛脩佳饌美醞鞍馬僕從略如常日前後呵擁
而出到軍前奴自持輅床引坐於三大將越邊衆人
雜沓於三大將之前未及見具之來就坐也時九月
初三日三大將達夜露坐飢乏中散寒寒外逼思食
而不敢言奴持饌檣以次授呈又以大酌遞進諸公
不問其出處到手輒盡至四五遍始問此為誰家之

物奴指具而對曰乃具令公之所賣來也三大將相顧錯愕之際奴曰今日之會此為大功非此則諸公虛餒何以了大事傍有人曰此言甚是具因此得交語漸有投機設策之事遂策勲為君史氏曰具之罪惡浮於任士洪而非但免死乃能轉禍為福當時三大將處事之疎由此而可想見也寄齋雜記

三大將結陣於光化門外關內八直上下人負各皆奔竄或自水竇而出或踰宮城而逃燕山蒼黃呼召諸官無一應者至有誘取弓箭而走者承旨尹璋李瑁曹繼衡自宮城上呼謂軍中曰今日推戴者誰歟

評

卽應曰自有晉城已稟於王大妃矣三人乃始繼下赴之人以為得體史氏曰燕山荒淫任悖踰十餘年宗社將危璋瑀革既在喉舌之地曾無一事匡救之言聞變之初不思處身之義覘知天命始為出問之計安可謂之得體

寄齋雜記

中宗朝丙寅請國功臣等啓廢王妃慎氏

丙寅九月初二日 中廟即位冊封夫人慎氏為妃具法駕迎入宮受群臣賀翌日領議政柳洵右議政金壽童等率柳子光朴元宗柳順汀成希顔金勘權鈞韓斯文宋軼朴槿鄭眉壽申浚及六曹叅判以上

啓曰舉義時先除慎守勤者欲以成大事也今者守
勤之女入侍大內若正盡位則人心疑危人心疑危
則有関 宗社請割恩出外 傳曰所啓甚當然糟
糠之妻何以為之再啓曰臣等亦已料矣然於 宗
社大計何請決無疑 傳曰宗社至重何計私情當
從群議即夕慎妃出寓河城尉鄭顯祖家立尹汝弼
之女為妃即 章敬王后也柳順汀等只以自己禍
福黜廢 國母若是容易其無天哉 竹欄閑話
中宗朝金詮南袞沈貞等誣成已卯士禍
慎妃廢後十年乙亥二月 章敬王后誕元子 仁宗七

日上賓坤儀久缺時朴淑儀洪淑容皆有子朴淑儀
子喟年最長而淑儀寵冠後宮覬覦非分朝野疑懼
七月潭陽府使朴祥淳昌郡守金淨目求言上疏請
復慎氏大司諫李荇倡言於朝曰章敬既誕元子國
本已定若復立慎氏有王子之慶而論家禮先後則
慎氏居先置元子何地指為邪謀大司憲權敏手和
之擬於死罪左議政鄭光弼率群臣議啓曰言雖不
中不可罪之止鬼薪論吏曹判書安瑋憤甚亦救朴
祥等荇等反駁安瑋指以為誤國自是朝野之士喪
胆畏縮以言為諱皆歸咎於荇等

乙亥十一月趙靜菴

光祖

以左正言進啓曰慎氏雖不

可復朴祥等疏中所論亦大有理不可加罪且臺諫

李荇權敏手

職主言路而反罪言事之人先自閉塞其失

大矣不可苟從請皆罷之上議于大臣盡遷李荇

權敏手等新大司憲李長坤新大司諫金安國右靜

菴掌令柳溥金希壽右荇等長坤反覆曉諭猶不得

相容詣闕各盡所懷命遷長坤安國仍命溥等行

職直提學金安老修撰尹止衡副修撰朴世燾尹自

任應教洪彥弼校理申光漢副校理李清著作奇遵

等駁遷溥等而亦不分別曰光祖為言路扶植荇等

為宗社請罪未為皆非云云自是迂議互有是非
朴說為大司憲托疾呈辭方有寧為大司諫議同靜
菴而為弘文館所彈翰林李若水曰公事謁左相鄭
光弼茅光弼曰臺諫職主言路柳溥金希壽不顧言
路猶執偏見余甚非之弘文館出兩是之說而無所
卞別余亦不取也時大臣六卿箝制於荇等只議於
家而不能辨析於朝人皆惜之丙子春大臣及臺諫
侍從請放朴祥金淨上不從皆以為牽於兩是之
議久未蒙放公論歸咎於玉堂三月世熹移正言彥
弼移掌令止衡移持平世熹等悔悟皆以靜菴之言

為至公世熹辭職曰臣前為副修撰時直提學金安
老構出兩是之說臣意初以為不然為人所構未達
已意罪當萬死 上曰於意為非則其時直陳已意
可也而既不能然今乃曰余意本不如此云云豈為
可乎世熹惶恐彥弼止衡等亦辭職曰彥弼為應教
止衡為修撰時牽於安老巧飾同辭啓之臣等之罪
矣朴祥金淨始蒙放於是校理申光漢副校理李清
副修撰尹自任著作奇遵等亦皆辭職靜菴遂大為
犇等所嫉李彥浩嘗與金慕齋安國言及此事彥浩勃
然勵拜曰其時何不殺金淨朴祥而使朝廷紛紜至

此乎十二月彥浩出全羅監司而丁丑死敏手出忠
清監司而戊寅死李荇見罷而水原府使李誠彥上
疏伸救亦被彈罷安老又自吏曹叅議出為慶州府
尹自後朝議角三互相攻擊遂為己卯之禍

話

初南袞雖以名節自好然士類皆先見其不是處至
目之以小人見輒詆詬露於言色袞盡其情禮以順
之士類猶不容受焉冲菴金淨未釋褐有詩名操節
特秀士類咸仰袞為直提學時冲菴尚儒士相遇於
友人家冲菴方醉卧見袞至不為禮主人感之使起

乃始蓬髮而瞋目視衆曰何物小子來醒我夢衆待
之甚恭曰聞措大名常如卷中人乃幸得拜於今日
生新得輞川畱障子願得佳篇以賁障首遂命蒼頭
取之於家以進冲菴醉墨揮洒亦不沉思而就衆再
三諷詠稱善然心常怏怏

竹澗閑語

正德丁卯叅議柳宗祖行護軍沈貞掌樂正金克成
喪人南衆等密啓醫官金公著庶孽朴耕儒生趙光
輔等欲謀害柳子光朴元宗盧公弼等鞠于殿庭至
用烙刑取服以謀害大臣變亂朝廷斬公著耕等光
輔拿致闕庭高聲朗讀書史見子光大呼曰子光小

人也何以居此地也戊午年誣陷賢良如金宗直之
流盡為被殺今又欲為何事也請得尚方劍斬佞臣
頭戴 聖君任賢相則至治可見也成希顔問佞臣
誰也光輔曰乃子光也語朴元宗曰汝推戴 聖君
功果大矣然何為家蓄廢主內人也又目希顔曰曩
者韓訓以汝為名儒今何以與子光同事又指姜洪
李埭曰姜洪汝父無罪被殺矣汝等乃史官也當以
吾言特書可也校十餘下但痛哭而已元宗曰真狂
人也止之

東閣雜記

金公著等獄成南袞陞嘉善臺諫劾其告變出於要

功請放公著等妻子袞遂為士類所擯乙亥袞以吏
曹叅判被劾丁丑八月為吏曹判書陞箕成己卯春
靖國功臣廷議時袞欲避其議請差 英陵香使出
歸後靜菴同侍經席進啓曰南袞以一品之人逢此
大事觀望畱避餘無足觀 上不問袞慚愧而退遂
詣中用旣茅袞曰近日議論甚激用旣奮然而荅曰
公何以出此言激之為言乃小人之陷君子而亡後
漢者也袞大啣而去沈貞叅靖國功臣封花川君乙
亥以吏曹叅判駁遷戊寅四月安瑋為吏判時刑判
有缺僚佐薦貞瑋曰花川君足矣竟不注擬五月靜

菴焚香先莖於龍仁是日地大震靜菴曰今日沈貞
必判秋曹矣果然貞再為刑判凡獄訟不究曲直惟
務剖決一日朝闕欲以囹圄空虛啓達有捕禁肉者
貞曰鹿肉恰似老牛肉理吏知其意以鹿肉報即上
聞曰民蒙聖化幾於刑措 命賜酒其囹圄上類此士
類皆唾罵之洪景舟叅靖國功臣封南陽君嘗拜左
贊成被駁怏怏含憤遂與袞等相結竟為贊成鄭鵬
以弘文校理累召不起人問其由鵬曰恩命繾綣強
意赴朝頗有驚心事故退歸田里耳人問有何驚心
事曰吾以校理拜恩入闕請政院門外帶犀宰相前

立而肖面余遂巡屏立俄乃顧面認其面卽景舟也
問其職乃贊成也余忽驚心奉身而還云觀此則其
為人可想而士類既為衮貞讎敵又為景舟所惡高
荆山為贊成時靜菴以大司憲相遇於道不禮而過
荆山亦切齒李沆與金淨有故淨在淳昌時沆以承
旨有求請簡不書字而具啣着署且日記下云云淨
題一絕於其簡後而復之曰曾同書榻與鸞署流落
南荒一病軀天上華御承旨李臨題還憶故人無沆
以此深啣之尤欲殺之於是衮貞等思所以陷害之
日夜聚會謀議諸公不知矣時 上雅尚儒術倚靜

菴尤重靜菴感不世之遇知無不言 上皆虛心傾

聽至如奇遵朴世喜崔山斗梁彭孫等言語支離聖
體有時疲倦衮等揣知 上有厭意及靜菴為大司
憲執法平允人皆感悅每出市人羅伏馬前曰吾上
典至矣衮等曰此合謀以得人心為飛語傳播內外
又潛通朴淑嬪本家問安婢教以趙光祖專國為政
人皆稱善欲立為王使若閭閻無知之語流入宮中
以致宮人疑怖然後使洪景舟教其女熙嬪以為一
國人心悉歸趙氏日夕開達 上心不能無疑又以
甘汁寫走肖為王四字於禁苑木葉上待山虫剥食

成瘡如字畫有若符讖採以上聞 上心遂疑懼於
是袞等欲舉事已卯十一月十五日夜袞以徵服著
草笠簾布衣步至領相鄭光弼家呼門者但言客來
門者認其貌知其為南袞入告有客到門觀其貌是
南判書但衣冠如賤人鄭相大驚顛倒出見則乃南
袞也恠問曰公何為此乎袞俱道其所以然或以危
言恐動或以甘言誘之鄭相正色曰公以大相為賤
服歷都市而來大是可愕事謀害士林本非余心可
忍為此乎袞大怒拂衣而去謂景舟曰領相固止之
我軍當自為之遂使景舟持諉書稱為密旨謀於被

屈宰相安潤德權鉤宋軼潤德荅以未能鉤以位卑
辭軼病卧不起乃與判書金克幅叅知成雲判中樞
金銓等定議舉事已卯錄

李長坤以兵曹判書兼判義禁長坤家在興仁門外
袞等為舉事之時無兵判不得號令衛士闕其亡逐
日三往其家投刺使之先起是日夕袞馳書曰國有
大事走馬八來長坤馳到袞家袞曰洪判書承密旨
待命神武門初昏景舟回熙嬪告趙光祖與其黨謀
不軌欲上变告近侍之臣皆其腹心事機危迫請開
神武門乘夜入啓蓋不欲承旨史官知之也 上大

驚出御便殿夜二鼓洪景舟金克幅李長坤高荆山等詣神武門請開則上命從漏西門而入袞蹕成其事而退坐不入景舟等既入門都提管沈貞泰和成雲自直所來會同坐閣門外列名論啓曰鄭光弼洪景舟金詮南袞李長坤高荆山洪淑沈貞孫澍方有寧尹希仁金謹思成雲等伏見趙光祖等交相朋比盤據權要誣上行私罔有所忌請付有司明正其罪使景舟啓以金詮思成雲為假承旨沈思順為假注書於是上出御思政殿袞景舟八對曰事急不可鞫問請命速因承政院弘文館入直官是日弘文

正字金明胤懇請修撰沈達源代直明胤卽景舟之
婿已知其事而謀出故也時承旨尹自任孔瑞隣乘
月來館注書安珽翰林李構等亦來欲觀星辰歸簡
儀臺俄而政院下人來報云漏西門宰相數人入闕
且於勤政殿中有火光而軍士圍立云云自任等相
語曰豈有政院不知之事乎即詣閣門外則南陽君
洪景舟工曹判書金詮禮曹判書南袞兵曹判書李
長坤戶曹判書高荆山花川君沈貞兵曹叅知成雲
等張燭而坐自任前進問曰宰相入闕自政院不知
是何事也左右相目不語惟長坤且坐且立如欲言

而不敢發俄而中使申順劉出召成雲曰以雲為承
旨可速入對雲輒佩劔趨入安珽曰政院不預知而
只以宦侍之言敢入何也雲不聽遂入閤門珽操筆
攀雲帶欲共入雲擊珽臂而入有頃雲出以袖中小
紙受長坤曰此御筆也此人等亟下禁府乃自任
瑞麟珽構及應教竒遵修撫沈達源也景舟等又勸
上速命宣侍官禁府都事領軍速捕右叅贊李紆刑
曹判書金淨大司憲趙光祖都承旨柳仁淑左副承
旨洪彥弼右副承旨朴世熹同副承旨朴薰副提學
金鍊大司成金湜並拿致闕庭撲殺之一依靖亂之

例器物已具於殿庭矣時假注書沈思順未及入來翰林祭世英在直所袞等以世英貌恭言遜意召入侍世英書罪黨人教旨把筆極諫假承旨成雲攖世英所持筆欲書之世英抗辯曰此史筆也非他人所得把還奪之左右肅然長坤亦曰人君不可行盜賊之謀反復極諫 上意稍弛

黃兔記事

是夜三鼓乃召領議政鄭光弼光弼承召入賓廳袞等首舉是事哮怒咆勃鄭相亦大怒呵呵袞等怒小洩於是鄭相啓曰年少儒生不知時宜妄欲引古施今而已豈有他意涕泣極諫衣袖盡濕 上怒遽起

還內鄭相趨進引御裾叩頭乃命下光祖於徹夜四
鼓召左議政申用旣右議政安瑋時持平李希閔聞
變馳詣西門則持平李迺慶弘文正字權穡先到偕
至報漏門前吏曹正郎具壽福自月華門出來四人
共坐相語失色兩持平先八月華門訔將拒而不納
希閔憤然咨嗟與迺慶直入賓廳見領相曰今夜之
事極為秘密等職雖已遷久在侍從觀此大變不敢
退坐鄭相曰爾等姑退 上怒方盛欲罪光祖等我
輩豈欲殺士哉當盡力周旋時用旣已病卒瑋獨詣
闕希閔等相遇於迺義門外迺慶趨進曰國事至此

論

唯望大相而已涕泣不已瑋既入闕鄭相獨坐賓廳
瑋問禍由鄭相揮淚吐吐不言但曰器物已具於殿
庭云曰與瑋反復論啓伸救上不聽命南袞等傳

旨囚趙光祖金淨金絛金漫尹自任竒遵朴世熹朴
薰等八人柳仁淑洪彥弼沈達源安珽李構李紆孔
瑞麟等七人皆蒙放翌日李構入侍啓曰昨日之事
何以至此乎欲書於史草不知其根因也承旨尹殷
弼史官權輒等亦反復極諫上皆不答

黃兔記事

上命鄭相為政事

御筆除南袞吏曹判書鄭相等

退坐賓廳鄭相熟視袞而不語袞退語人曰鄭光弼

論
之目也鄭相以全州府尹李思句為副提學前忠清

監司柳雲為大司憲

已卯錄

靜菴諸公既下獄皆以為必死相與酌酒永訣是夜
長天無雲明月滿庭冲菴有詩曰重泉此夜長歸客
空留明月在人間金絛吟曰明月長天夜冲菴和曰
嚴冬惜別時皆從容自得期於快飲忘懷獨靜菴痛
哭諸公相與勉之曰當從容取義何哭泣耶靜菴曰
從容取義吾豈不知但不得復見吾君耳若見吾君
豈至此乎終夜痛哭不止翌日諸公自獄中上疏陳

情

已卯錄

館學儒生李若水中命仁朴光祐相繼上疏明諸公
無罪請闕者無慮千餘人會于光化門外莫知所為
申命仁倡言曰香徒之人皆欲上疏以伸其冤況我
諸生日出而會日中不為草疏士氣之渝薄一至此
哉余當任其辜遂秉筆草疏諸生至集書疏將進達
為門者所拒生等慷慨發憤排闥闢入朴光祐申命
仁被傷流血滿面諸生或脫巾者或被髮者相半號
哭闕庭拜徹大內上問哭群從何而來政院對以
實上命囚五六人且令禁軍駈出之命仁於衆中
挺身厲辭曰古者楊震被囚太學生三千餘人守闕

號泣則有之 殿下今日之事誠千古所無之事也

信小人之說何至於此極耶承旨佯為不聞若水以

疏頭與尹彥直朴世豪金遂性黃李沃一作李沃等五人

下獄於是諸生爭先就囚如恐不及囹圄已盈械杻

亦乏以藁索繫頸者屯聚鍾樓下翌日生負朴鵬等

數百人又上疏亦救諸公太臣啓以儒生不知事體

只欲暴白情素請姑勿問 上命放若水等

黃兔記

事

朴光祐被傷裹頭坐都堂外廡下醫官樂工書吏等
輩皆以疏頭各舉其類求文於光祐者簇立於前其

論

時李燦金魯皆年少善寫光祐使二人執筆臨紙左
酬右答文詞湧出李金猶未及書一時所製凡十餘
篇

黃兔記事

判中樞金詮判義禁李長坤知義禁洪淑承旨成雲
等鞫問諸公以諸公招辟入啓請加刑訊 傳曰此
事已定議不可用刑照律可也推官金詮照啓以奸
黨之律斬其身籍其家孥妻子 上下教曰先祖淨
沒練賜死其餘竄遠方承旨金謹思聞命逡巡史官
蔡世英請更議大臣處之鄭相等在賓廳謹思出傳
上旨時已昏矣鄭相驚愕捫燭嗟惋卽力請入對

陳啓伸救

上召承旨成雲

教曰光祖等決杖遠

方安置自任等減杖付處成雲到禁府傳教後回啓
曰他則無所言惟趙光祖曰臣雖此去君心豈不知
乎臣等所為果過激矣靜菴綾城冲菴錦山竒遵牙
山金浸善山金絛閑寧尹自任溫陽朴世熹尚州朴
薰星州諸公決罪時都人聞者莫不咨嗟涕泣見者
不覺失聲痛哭成守琛與士人洪奉世解衣賂杖者
得輕

已卯錄

中宗朝已卯賜趙光祖死金淨金絛等並絕島安
置

李沃

諸公既竄群小得志黃李沃往見魚叔均謂曰吾欲
上疏救趙大憲已具疏草子其寫之遂出諸袖示之
曰疏意若何荅曰此疏甚佳非公好善安能及此仍
極口勸之李沃不寫而去後數日李沃與尹世貞等
上疏請斬靜菴等八人辭極凶慘表憑亦上疏請斬
靜菴以扶輿情李沃牧使璉之子也初以伸救諸公
繫獄未踰月又請殺無赦其心術之無狀如此

副授學李思旬聞命卽上途時靜菴及冲菴方赴配
所聞思旬行色曰吾輩當死於這漢之手辟易遠避
思旬親問所在必皆尋訪謂靜菴曰子於中庸尚未

柳雲

熟讀況可做唐虞事業乎中庸不云乎愚而好自用
賤而好自專生乎今之世反古之道未有不灾及其
身宜乎子之不免也子年少正好讀書努力自愛握
手痛哭而去及至京力救諸公無所畏避大司憲柳
雲自湖西八來急於救禍未及行臺中相會禮平府
僚執義尹世霖掌令李謙任樞持平趙光佐申抃及
諫院官司諫吳絜獻納李忠健正言尹旼俞姻並不
就職同辭陳啓伸救諸公蓋思白雲兩人內有志槩
外無拘檢曾為諸公所斥雲出忠清監司思白出全
州府尹時罷教坊禁女樂持平李迺慶誤聞雲擄妓

宴樂又駁罷之哀以兩人忤靜菴不疑也故鄭相薦
之時人服鄭相之識鑑

已卯遺事

時已陵君璫聞變即詣賓廳涕泣力諫且呼李長仲
曰希剗搖尾狐鼠間同害良善大拜責之承旨柳仁
淑孔瑞隣洪彥弼前大司諫李成童司諫李清獻納
宋好智正言金鉞權碩等以微服詣闕請與靜菴同
就獄被罪終日不退掌令李英符上疏極諫 上皆
不聽典翰鄭應憤甚卒館負抗疏力爭柳雲彈大司
諫尹希仁素無物望又不能匡救臺人以長端府使
李蘋代之蘋沈思順之妻父也蘋又劾雲不行相會

禮遽即彈劾失臺諫右例代以慶尚監司李沆時沆
與右監司文瑾期會聞朝廷变故瑾失色愀然先就
客舍坐以達曙沆揚揚自得終夜宴樂而偵知瑾有
不平色深斲之俄而承召卽上途咸陽郡守文繼昌
以詩贈之曰明公此去似登仙盤錯須憑利剋剽政
獵豈無三窟兔會看一鷄上青天沆喜而受之其詩
傳播士類側足沆還朝卽與李嶺等合司諫闕請加
罪靜菴等又請罪左議政安瑭左贊成崔淑生右叅
贊李耜左叅贊金安國大司憲柳雲黃海監司金正
國持平趙光佐吏曹正卽李忠槌南兵使柳庸謹承

旨申光漢全州府尹鄭順朋忠清水使韓忠典翰鄭
謨舍人崔山斗檢詳張玉吏曹正郎李希閔舍人李
清弘文校理梁彭孫吏曹佐郎具壽福吏曹正郎鄭
浣弘文校理李近慶吏曹正郎李若水修撰權碩弘
文校理宋好智縣監宋好禮全羅都事金匡復吏曹
佐郎曹彦慶承旨柳仁淑刑曹正郎尹光齡弘文博
士權穉監司文瑾叅議李成童黃海都事申抃佐郎
柳成春巴陵君璫詩山正正叔長城守儼嵩善正漾
江華副正祺等書于單子啓之又以薦舉科諸人不
可續續彈劾請罷其科 上引見兩司長官示李沃

等請斬靜菴等上疏 教曰朝廷若有公論則儒生
安得為此論也又召領議政鄭光弼右議政金詮八
對示臺諫單字及李沃等上疏曰近日災變疊出此
請罪事何以為之鄭相陳其不可金詮亦以為根本
既已罪之其餘何必歷歷治之也 上疑不決翌日

上命亟遣領左相罷李長坤御筆除南袞李惟清
為左右相即召對于丕顯殿 教以加罪諸公之意
又召禁府沈貞孫澍等 教以光祖淨湜絀賜死自
任遵世熹薰絕島安置袞惟清等啓以四人中當有
分別其魁首足矣孫澍請並於絕島安置以示好生

之德 上教曰光祖死無所疑惜詔獄不恭之事亦可死也賜死餘並他島安置淨孫島沒亡命徠南海薰義州自任北青世臺江界邊穩城移配靜菴賜死
命下第棠祖奔往哭於路傍有老嫗自山谷間哀哭而來問曰卽君何事而哭也荅曰吾喪兄故哭嫗則何哭也曰聞國家殺趙光祖賢人死矣民必不得生故哭之禁府都事柳淹至綾城靜菴沐浴更衣從容謂都事曰 主上賜臣死合有罪名請恭請都事無應靜菴北面再拜跪受 教旨問 上體若何次問三公六卿臺諫侍從姓名後修書無差誤遺命歸

朴祥

閑話

癸先人永正席就坐曰愛君如愛父憂國如憂家又
曰白日臨下土昭昭照丹衷遂仰藥猶不絕府卒欲
就縊之靜菴曰聖上欲保微臣首領汝何敢如此
益飲毒酒而絕即十二月二十日矣年三十八

竹礪

靜菴賜死之明年歸葬于龍仁深谷里路過光州朴
訥齋祥挽曰無等山前初識面牛車草草返荆扉他
年地下相逢日休說人間謾是非及葬成守琛與洪
奉世李忠楗李廷慶等臨穴會葬有祝獻以奠相携
長慟而返

竹礪閑話

論

衮貞等既殺靜菴又與李惟清等於御前議定兩司
請罪人分輕重罪之韓忠鄭沆崔山斗鄭應柳庸謹
已陵君墩外方付處崔淑生李紆李若水梁彭孫李
希閔李迺慶尹光齡李忠捷趙光佐宋好智嵩善正
祺長城守儼詩山正正叔等削奪安瑯金安國金正
國柳雲權碩李清文瑾李成童中抔柳成春鄭順朋
具壽福曹彥慶等罷職張玉金匡復柳仁淑權穉中
光漢等補外後又論吏曹判書申錦禮曹叅判權撥
承旨鄭忠樑副提學李思甸兵曹叅判朴英刑曹叅
判尹世豪禮曹叅判崔命昌左贊成李繼孟評事李

弘幹弘文校理李祐弘文著作慶世仁李銅佐郎李
阜朴公達尹衢彦貴溫尹旼高雲弘文博士任權金
明胤安處謹承旨成世昌府使朴祥翰林申潛姜隱
金神童申遵美鄭源節事閔世貞閔懷賢李世蕃洪
士俯縣令安處順崔祥朴遂良崔湮同知許伯琦司
諫朴紹及茅成守琮察訪金泰巖弘文脩撰安處誠
承文正字柳貞縣令金大有學諭安處謙判官朴璨
醫師安瓚監察李思儉師傅睦希曾呂希臨郡守李
闇叅奉奉天祥盧大明金錫弘金萬億等相繼罷斥
者不可勝紀又議罷薦舉科時吳準李英符同為持

平英符曰此科若罷則當終身禁錮可用之人豈宜
盡棄準曰我不意君輩至於此也兩司遂駁罷英符
準與執義柳灌進啓此科初選時各舉所知而異已
者排斥之及試取之日禮曹以為此人等必不入場
至使書吏請入安有如此寒心之事雖其中有可用
者然無行者亦多叅請速罷之以正欺君之罪臣言
趙琛曰首謀此科者安瑭也鄭相曰初設此科時臣
意以為不可而不能止之及取果多賢良之人薦舉
不公之事臣等未聞也謂安瑭主之者不然也申用
溉崔淑生力主其議也李沆曰金湜等初非厭科之

人也才行短淺必不能及故教小抄選而試取也柳
灌曰漫全不知書承旨金希壽曰豈可云漫全不知
書臣見其古文最難解處必能剖釋之韓亨允李徽
第等力請罷之 上初命不罷科只不叙顯職竟罷
之時封世子宗方設翊衛司一日金明胤訪申谿言
吾輩當更着紗帽矣潛曰何故明胤曰竊聞朝廷以
罷科人充諸翊衛僚屬潛以其言語洪裕孫裕孫笑
曰是誰之言必是欲自為者探君意爾居數日明胤
果拜洗馬俄陞副平時金世弼以賀正使赴京及還
八侍經席講論語至過則勿憚改章曰啓請勇改前

德金詮南衮李惟清等請下獄鞫問削奪官爵而黜之
已卯錄

中宗朝辛巳安處謙等被誅金淨奇遵等賜死

宋祀連者安塘孿妹堪貞之子也辛巳冬安處謙憤衮貞等戕殺士類與詩山正正叔權碩等潛謀除君側之惡弟處誠及祀連告其父安塘大驚欲詣闕以聞恐復起士禍遂舉歸陰城村舍以沮散其謀祀連與其妻兄鄭瑋告安處謙與詩山正正叔權碩等謀害大臣恐其不實引瑋所友尹世英黃倪崔世寬李壽堅朴詢等五人為同謀處謙碩被囚正叔失捕領

中樞鄭光弼左相南衮判義禁沈貞承旨尹希仁趙
玉崑等同侍推鞠慶譙等皆以謀害大臣就服衮等
欲論以叛逆正叔亡匿四日而自首玉崑承衮等指
嘆立於殿陛之上大言曰因漢皆已就服汝乃机上
肉不復問但速吐實嚴加酷刑正叔累日飢困心神
昏亂隨問點頭遂引誘開說鍛鍊成獄正叔慶譙慶
謹兄弟及權碩尹世英黃覲等俱被誅崔世寬杖死
安瑋被緣坐弟慶誠以慶譙謀告其父因此事覺以
功免罪只被緣坐定配

韓忠字恕卿號松齋祀連所納名錄有黃恕卿字指

崔壽域

為恕卿自謫所拿囚訊問其夜死於獄中人皆以為
縊殺初忠戊寅年與上使南來副使李陰崖耆赴京
來在燕時得疾幾殊陰崖調治勤苦忠耳語陰崖曰
這漢必赤士類陰崖正色止之曰此同使也君言誤
矣是行雖無悖亂而來之怒忠猶甚忠終不免禍焉
崔壽域字可鎮號猿亭磊落不羈無意仕宦自變後
遊行山寺每到處剖松作琴彈而罷還棄嘗語其叔
世節曰世事如此退卧山溪是冬世節以承旨見士
類相繼被罪謂同僚曰某嘗勸我退休欲去不能乃
見此禍來時為處謙推官 啓請並推壽域供曰恕

申潛

士林不知禍及朝廷故語叔辭退而已別無他意遂
被誅平日從遊者李達亨等以簾欽屍權厝空谷夜
守其側夢猿亭來吟一絕曰玄室誰相訪清猿獨可
親自從簾谷後遙憶蓋骸人

幽憤錄

申潛字元亮文與書畫人謂三絕推官金詮南袞等
啓曰前因崔世節聞崔壽域申潛將欲謀害大臣而
未能的知今能連所納名錄潛名亦與焉請並推問
累加刑訊杖流長興

幽憤錄

金光遠猷納塊之子也器度弘遠才行出衆為士類
所推仰而靜菴尤重之靜菴被禍光遠不勝悲憤遊

行諸處及祀連告變光遠亦被拿囚時光遠在山寺
府卒跟尋來到居僧惶惶光遠曰汝等勿惧必是我
也從容取捕累加刑訊賴鄭相力救免死謫海南後
蒙赦終身不赴舉

幽憤錄

金慕齋曰前賢以當官者巫祝尼媼之類尤宜踈絕
余亦謂居家者推卜之人不可親近祀連者出入安
氏家揣知一門運蹇命屯背恩構禍自獲其利此可
監也

金冲菴淨初配錦山後移配珍島又圍籬安置於濟
州濟州之俗尚淫祀矇禮制冲菴述喪祭儀以導

奇通

之氓俗大變辛巳冬執義金麟孫司諫蔡紹權等請
加罪賜死冲庵聞命顏色不變呼酒快飲執牧使李
耘兄耕手問時事貽書兄弟勉以善養老母又吟絕命
辭其辭曰投絕國兮作孤魂遺慈母兮隔天倫遭斯
世兮殞余身乘雲氣兮歷帝閭從屈原兮高逍遙長
夜冥冥兮何時朝烟丹衷兮埋草莽堂堂壯志兮中
途摧嗚呼千秋萬世兮應我哀時年三十六無子女

幽憤錄

奇服齋遵初配牙山庚辰春加罪移配穩城辛巳冬
與冲菴同賜死遵嘗以應教禁直夢羈旅閨外艱閨

跋涉客路中吟成律詩一首曰異域江山故國同天
涯垂淚倚高峰頑雲漠漠河閉閉古木蕭蕭城郭空
野路細分秋草裡人家遙住夕陽中征帆萬里無回
棹碧海茫茫信不通忽覺記夢書館壁未久謫湖西
俄又移配穩城道中所見皆是詩中景也控馬諷詠
淒然嗚咽後者皆揮淚可知人事皆有前定士林傳
誦莫不嗟惋

坐憤錄

己卯禍後記聞

李紆陰崖日錄云趙孝直當中興之運感不世之遇
知無不言言無不從庶復先生之治然後來諸賢年

火氣銳改弦無漸觸冒危險物情大乖公與申大用
歸權仲虔撥調劑兩間冀不至敗而新舊甚之以至
今日豈非人謀之不臧哉

世傳趙靜菴觸事無漸釀成矯激之習畢竟自取禍
網此未知靜菴者也先生嘗與成守琛許伯琦等論
時事憂形於色云云則固非不識時世而妄作也但
如金漫之為人躁厲激成禍基後進之年少喜事因
緣攀附者亦多先生已知其幾而亦將無可奈何耳

鷺城雜記

柳恒齋雲為人曠蕩不檢為時議所不容出為忠清

監司題丹陽郡一絕云拾盡凶頑石平鋪清淨流捕
風曰海若然後放吾舟靜菴既敗奸徒傳誦其詩疑
柳不容於清議而有此詩即薦擢為憲長柳即日拜
命徑趨禁府自門隙招靜菴字執手痛哭曰豈意至
此耶遂首論袞貞之奸且面折之未幾被斥歸安城
村舍及祀連誣告獄成袞等上疏構列黨人姓名而
雲居茅四及冲庵被死雲自知禍必及已縱飲爛腹
而卒

竹澗閑語

李難叟迨慶為校理中廟嘗夜對有啓者曰方今
欲致太平須擢相當代茅一人迨慶進曰是指趙光

祖也光祖誠賢矣然今之用人須踐歷多人望洽然後可授以大任光祖聞之馳見迺慶泣謝之及黨禍作南袞李綱等錄啓流竄人姓名迺慶為之首御

筆抹去且教曰迺慶予知其為人勿竄

松窩雜說

已卯夏後有人大醉下驪江至原州界時積雪始收江水徹底其人被髮佯狂仰天而笑又矢辭大哭書一絕于船尾曰官酒斟來不計危雪晴江路故遲遲乘桴漸喜東溟近還向人間惜別離蓋當時隱逸之士而莫尋其迹云

鵲城雜說

已卯之獄人皆知南袞沈貞之為而不知其成於金

詮戊午之禍人皆知出於李克墩柳子光而不知尹
弼商之主張者何哉我國之人雖號博達貫穿史家
者不曾一觀東國史故纔至數十年耳目所不及則
賢愚邪正之類不能詳知謔稱東人爲惡者曰庸何
傷乎東國通鑑有誰讀之嗚呼此雖戲語真格言也
弼商以睚眦欲殺李穆遂起戊午之禍一時士類盡
爲魚肉至勸盧思慎殺趙舜其心陰慘鏤錙爲下燕
山暴虐大抵弼商導之也雖受擢髮之誅不得贖其
罪矣只以廢妃獻議大臣被誅於燕山不以其罪故
丙寅靖國首蒙伸雪至今不知古事者徃徃以爲真

宰相可勝痛哉已卯之禍無金詮雖衮貞之奸難以
托朝廷而成之戊午之禍無弼高雖克墩之凶難以
假大臣而行之矣

涪溪記聞

靜菴諸賢被罪四五年間郡奸不得久保爵祿洪景
舟壬午年死其女熙嬪二子錦城鳳城皆絕嗣李蘋
以吏曹叅判疽發背潰爛三日而死無子姓成雲以
兵曹判書為沈彦光所逐出為慶尚監司嘗晝魘失
魂開眼則如有惡鬼無數羅列以此不得明目而死
金詮蔡忱趙琛等亦皆相繼而死惟南衮沈貞李沆
金克幅金安老等若干人生存衮嘗咄咄長吁問族

評

人曰人以我為何如也族人曰當不免小人之歸耳

衆悉取平日所著詩文焚之丁亥死

同 冥志

先是甲申年間金安老以吏曹判書專權自恣沈貞
李荇李沆金克幅等舉劾其罪遠竄後安老因公主
移配豐德時沈彥慶彥光兄弟欲用己卯之人患其
無援京圻監司閔壽千說安老曰公以調停己卯之
人之意交歡兩沈則權易致安老深納之馳告于其
妻黨正言蔡無擇無擇倡言東宮孤单甚可憂也東
宮仁廟之羽翼已卯之調停在安老一起也時彥光為
大司憲信其調停之語隨群和附舉朝靡然獨司諫

李彥迪曰觀其處心行事真小人情狀力攻之彥光
乃宣言於朝曰彥迪在朝安老不得入劾罷彥迪及
安老還朝以保護東宮為名假托沈貞實濟其惡副
提學成世昌奮然曰安老為人余所深知今若得志
必將誤國率同僚劾之庚寅冬安老陰候大司憲金
謹思大司諫權輒反誣世昌黨附沈貞命因鞫問世
昌怵於殞命竟誣服於是謹思輒等合啓論沈貞貪
黷專權之罪請按律 教沈貞與世昌罪同罰異沈
貞江西世昌平海付處未幾李沆金克幅亦以罪被
斥克幅不食死辛卯冬沈貞李沆皆賜死先是丁亥

年貞子思遜以滿浦僉使為野人所殺是歲思順以承旨罷官適有謗書貼鍾樓議者指思順所為下詔獄命搜得本家書籍以憑筆跡其冊面有登南山放糞詩曰一聲雷雨掀天地香滿長安百萬家云云

中廟見而恣之刑訊累日死於獄中

薛嗣禱記

沈貞李沆金克愾三奸死後修撰具壽聃李浚慶等八侍夜對壽聃極論黨人無罪久廢請收叙由是朝廷遂有收用之議癸巳年先放流配人生存而蒙恩者惟金絀朴薰崔山斗數人而已其餘權據具壽福尹世豪李思旬孔瑞麟金正國張玉罷職削奪之類

並收叙金鐵堅金貴千等皆蒙放

丙申年間有人題葛院壁上曰群小滿朝誣太平此
身端合早歸耕爰君不敢輕休退苦受蚊虻虻裡鳴
方金安老許沆蔡無擇等三凶用事淫刑峻法以待
異已者至於粉袍緇髻亦被其毒一國惴恐重足賔
息莫敢議之此詩必在朝不同事者所作也丁酉大
司憲梁淵大司諫金希說劾三凶賜死於是館學諸
儒生負李仲南等上疏請收用黨人 中廟大悟戊
戌年金安國任權柳仁叔等收叙安珽申潛尹光齡
巴陵君徹皆蒙放釋

金安老手恣端妙妖態可掬及其擅權也苟有議已者輒啖蔡無擇等加以謗訕朝廷之罪聽其指啖為一時鷹犬者許沆其尤也別進其黨布滿朝廷者黃士佑也蔡洛無擇之諸父也知其難保論安老之罪袖其彈文三八諫院而畏縮莫敢發安老之敗洛亦依例削職

奪城雜說

金安老被謫量移豐德方圖復用潛謀秘計無所不至及大司諫李嶺以保護東宮教之欣然自以為得計使其子延城尉金禧朝夕立左相李荇之門果能得售其巧流毒士林小人之難自古而然也

寄齋雜

洪暹

記

洪領相暹以吏曹正郎乘醉往見吏曹叅判許洽言
間頗侵安老且曰秦檜傳不可不使見之洽亟止之
曰正郎醉矣何言之孽爾也吾雖聞之寧忍漏之然
公大醉須速還家洪曰歸路且欲見季令公大憲也
洽愕然曰老夫忝公堂上醉而來見猶之可也與吾
第既無分且是法官之長或少失禮所關非輕切勿
往也仍呼洪下人戒令直還本家勿得他往洪遂辭
出直向沆家下人不得止之洽使人探之果已到矣
洽曰吾過也使吾下人勒還本家則必無此事大禍

今起矣急馳馬去則洪已還矣洽曰洪正郎太醉不
省人事到此有何言沆曰顏如白王者何醉色但無
所言耳洽曰外帷如此其實大醉雖有所言何足與
較沆不荅洽無可奈何而還沆夜抵安老家翌朝獨
啓之鞫之省獄一日受一百二十棍氣息將絕乃流
之海邊方未出獄骨節盡碎呼吸不出謂之已死置
之墻下覆以草席公亦昏昏似睡忽聞呼委官聲者
三判府事以下奔走下迎公開目視之乃公也公暗
謂寧有是邪其後三十年公既八相以委官坐禁府
其時執杖者尚在云史氏曰人之死生本在於天雖

論

有百許沆其能殺一忍齋哉洽之於沆其可以害衛
視哉寄齋雜記

中廟辛卯歲金安老始自謫所來先遂李復古彥迪朴

彥胄紹等而靜容齋任權亦被斥退蓋以骨鯁憚之

也及丁酉服罪之後諸賢次次進用靜容嘗於經席

進曰方安老在朝小人之無狀者黨比為急固其宜

矣殿下亦黨比使縱其惡何也中廟曰予不得

辭其責盛哉王言容人之直歸已之罪一舉而兩

善具焉圃樵雜錄

金安老專擅舉朝患之叅判尹安仁即文定王妃

之後父也密謀去之秘啓於妃曰安老謀不利於

妃妃大懼竢上至而泣上恠而問之對曰久

侍左右今當見廢故悲耳上驚問其由妃以安老

謀告上震怒即欲誅之畏其權重以密旨付安仁

畱之安仁曉往大司憲梁淵家賓客滿座不敢言而

退朝而往夕而又往淵始疑之竢客散引入卧内安

仁以密旨示之梁即率同僚論之

涪溪記聞

中廟晚年每稱黨人無罪甲辰中廟昇遐仁宗

即位乙巳臺諫欲啓雪已卯之寃其啓辭曰已卯之

士無非正直之人白仁傑時為持平請抹其辭同僚

或有怒變色者曰此言何以可抹仁傑曰君上不可
一毫欺也已卯固多賢士豈皆正直之人乎薦舉科
革罷後復負冊襍入科場者亦正直之人乎此指金
明胤也時太學生朴祥等上疏極論趙光祖學術之
正請還給職牒以正士子趨向疏屢上上雖廢嘉
而猶靳許及疾大漸傳于大臣曰趙光祖金淨奇
遵等復爵賢良科金湜等亦還給紅牌乙巳七月
仁廟昇遐明廟即位尹元衡鄭順朋等又構禍元
衡曰乙巳叛逆之人乃已卯餘孽尹任欲得人心矯
命復薦舉科喚李芑啓于文定還罷之其實惡

仁廟也該吏欲收紅牌判書林百齡曰徒勞出八不
須收也丁卯 明廟昇遐 宣廟即位戊辰太學生
洪仁憲李啟等上疏請以靜菴配享文廟副提學朴
大立直提學盧守慎等啓請贈謚大司諫白仁傑司
諫柳希春等亦請從祀文廟於是憲府及領議政李
浚慶等相繼請從祀玉堂不舉是議故只贈領議政
戊辰九月因贊成李滉大司憲金貴榮大司諫姜士
尚副提學盧守慎直提學閔起文及左相權輒相繼
陳達追削南袞官爵戊辰十月雷達達曙三公李浚
慶權輒洪暹因災變請復薦舉科 上從之至光海

庚戌靜菴從祀文廟

洋湖禱記

中宗朝壬辰朴嬪賜死事記略

嘉靖壬辰東宮近處有灼鼠詛咒之事且作假像懸木牌書不道之言捕可疑人鞫之指以朴嬪所為賜朴嬪及福城君嶺死兩翁主廢為庶人唐城尉洪礪死杖下光川尉金仁慶竄外左議政沈貞以交結朴嬪亦賜死自餘連累被罪者甚多鄭光弼鞫獄時以為涉於親獄且王室至親不可拷掠欲緩之而不能得時金安老主張此事鍛鍊成獄貞忠積罪盈天道好還雖其自取而以此成罪人有不服者翌年癸巳

又於闕內臺諫廳懸假像掛木牌書凶悖之言掌令
蔡無擇正言鄭從漢等見之即啓以洪福餘黨尚在
又試前日之謀因欲發明前事 上命招諸臣議之

上曰前者洪家自服我書而死此筆畫與前書無
異豈死者更來而書之乎其欲亂朝廷者所為乎今
余意燒破則朝廷自靜也領府事鄭光弼啓以大獄
不可數興燒破之教至當領相張順孫左相韓效元
右相金謹思等含糊只請上裁禮判金安老曰今見
書體與前書生熟不同也大司憲沈彥光掌令蔡無
擇力主窮推之論大諫尚震啓兩翁主使之歸鄉僕

屬隨去則禍稍息矣執義金希說司諫尹豐亨掌令
柳世麟持平安琰獻納林鵬正言崔輔漢等皆啓以
不可不窮鞫上不從只令懸賞購捕金仁慶妻使
從往夫配所洪礪妻使之門外居住沈彥光尚震等
合司請鞫兩翁主家奴僕五啓不允而退副提學權
輒典翰趙仁奎應教許沆脩撰洪春卿博士洪暹等
上劄論鄭光弼於朴氏交結甚密物論鄙之及權奸
之敗往來救護洪礪之家曲為逢迎云云太史公曰
光弼之言真得大臣告君之體而醜正之輩公肆詆
斥如此其古所謂欺天者乎

論

仁廟幼時有庶母朴氏挾妖術謀欲危 仁廟事覺

中廟大怒即命竄極而其子媚及二女亦得罪

仁廟及長知之手為疏以訟其寃其疏曰伏以天顯
之親一氣之分喘息呼吸相為流通友愛之情自不
容已雖或非常之變出於慮外而古之人猶有以恩
掩之者也往者媚之事臣年幼未能詳知其首末然
其禍之慘所不忍言妖孽之作雖曰朴氏媚也焉得
以知之竄在遐裔亦云過矣厥後又興大獄母子相
踵而死洪礪亦殞杖下變故之極古所罕聞其於兄
弟間為如何耶死者既以已矣而媚之一女棄在民

間與庶人無異孩提之女亦何罪焉此又痛心者也
二翁主年少女子不顧其事明矣屬籍亦絕思之至
此不覺流涕由臣一身而兄弟之寢至於如此此臣
平日怛懷痛悼者也孟軻有言曰身為天子弟為匹
夫可乎今臣侍居東宮天寵極矣而使二弟一姪尚
班下賤反躬思之顏厚有忤昵人之於兄弟不藏怒
焉不宿怨焉親愛之而已如臣者有何怨怒於兄弟
而不得親愛乎至於籩簋之饋飲酒之飫亦不得和
樂且湛則惻然之念益切於中前此徹達是意未蒙
允諭更達微衷以瀆聖聰伏願垂憐焉 中廟乃

感而從之外人初不知有疏久而後得見此疏情辭俱到非上聖德之才曷能及此

竹圃閑話

仁宗朝記聞

仁宗在東宮時開書筵開卷進讀忽玉色慘沮徐命宮官曰讀止起而入內少頃復出曰有蜂螫入袖螫之甚急纔已去之耳方冲齡聖德天成雍容如此公

私聞見錄

仁廟居諒陰執喪盡禮奉慈殿至孝群下請節哀

以保聖躬不從日以違豫乙巳六月二十七日雷

震慶會樓柱仁廟方疾篤問曰雷震何處恐大

妃殿驚動速遣內官問安七月初一日上公

仁廟

有上聖之姿毓德春宮三十年及即位中外以為太平之治可見遽爾禮陟朝野悲慟若喪考妣遠方儒生以至庶人裹糧奔哭闕下者相繼不絕

東閣雜記

仁廟自在東宮尹元老元衡等讒間兩宮必欲生禍

及

中廟上昇日聞飛語于

慈殿令

仁廟不自

安而元老尤為邪毒人皆切齒

明廟嗣位成服後

翌日三公六曹叅議以上論列元老罪惡請遠竄兩

司王堂亦啓之屢日乃命付處外方未幾柳灌等被罪元老召還初議罪元老時獨叅判李浚慶以為

幼主新即位 母后至親不可罪之衆不聽時 明
廟幼冲大小事 慈殿權同聽斷東閣雜記





